

ACTA DA SESIÓN ORDINARIA DO PLENO DE 30 DE NOVEMBRO 2017

Acta núm. 13/2017

Hora de comezo: 20.30 h

Hora de remate: 22.10 h

Primeira convocatoria.

ASISTEN:

Alcadesa: D^a María Xosé Alfonso Torres (CxG)

Concelleiros/as:

D. José Manuel Quintela Fernández (CxG)

D. José Antonio Uhía Martínez (CxG)

D^a María Inés Monteagudo Romero (PP)

D. José Vázquez Rama (PP)

D^a Alianza Uhía Patiño (PP)

D. Jose Angel Hermida Simil (PP)

D^a Caridad González Cerviño (PSOE)

D. Enrique Riomayor Caamaño (PSOE)

D^a María del Rosario Fernández Piñeiro (PSOE)

D^a Sandra Maneiro País (PSOE)

D. Manuel María García Fernández (BNG)

D^a Paula Simal Mayo (BNG) (incorporada á sesión ás 20.58h)

Secretaria en ACUMULACIÓN: Rosa Ana García Fernández

Trala apertura do acto pola presidencia, iníciase o exame dos asuntos da Orde do Día.

A) PARTE RESOLUTIVA



1.- APROBACIÓN OPE LEGIS DOS BORRADORES/MINUTAS DAS SESIÓN QUE DESEGUIDO SE DETALLAN, NO SEU CASO, DE DECISIÓN SOBRE OBSERVACIÓN S FORMULADAS RESPECTO DOS ERROS MATERIAIS OU DE FEITO (ART. 91.1 DO R.D. 2568/1986)

a) Minuta /borrador da sesión celebrada o 26 de outubro de 2017, númer. 12/2017.

A secretaria manifesta que na acta da sesión anterior cometéuse un erro na relación de persoas asistentes ao fazer constar dúas veces a D. José Vázquez e non facer constar a D. José Ángel Hermida Simil que acudiu ao acto.

Explica tamén que no punto da Conta Xeral, a redacción correcta é a que se incluíu o borrador en dilixencia.

Con estas aclaracións, a acta da sesión anterior queda aprobada por unanimidade.

DA COMISIÓN DE BENESTAR SOCIAL, MULLER E SANIDADE

2.- DECLARACION INSTITUCIONAL DO CONCELLO DE MUROS CON MOTIVO DO DÍA INTERNACIONAL DE ELIMINACIÓN DA VIOLENCIA CONTRA AS MULLERES.

A Sra. alcaldesa explica que había tres propostas sobre esta materia, unha da AsociaciónBuserana, outra do PP e outra do PSOE e que por iniciativa da portavoz do BNG, decidiuse facer unha conxunta.

Procede a súa lectura.

Inicia o debate a portavoz do PP, a Sra. Monteagudo: "Pareceunos mellor que neste tema no que estamos todos e todas de acordo en facer unha declaración conxunta e é a que se somete a Pleno."

Intervén seguidamente Dª Caridade González, voceira do PSOE: "Presentamos unha moción en defensa da muller e contra a violencia de xénero e na comisión informativa todos os grupos , ao existir unanimidade nesta materia, estivemos de acordo en que se faga todo o posible para sacar á luz que Muros está en contra da violencia de xénero. Vemos nos escaparatesque se fai algo para que non haxa violencia, concienciando aos rapaces e rapazas nos colexios e en todos os ámbitos. Debemos de acabar con esta lacra. Na moción dicíamos, e así se fixo constar na Declaración, que é unconcello que leva moito sen recibir a asignación que nos corresponde para loitar contra a violencia de xénero. No seu momento puxemos unha casa en funcionamento en Miraflores para acoller mulleres e nenos e nenas, e non puímos seguir por falta de diñeiro. Hai que dicir ao goberno que ese diñeiro nos corresponde por lei e se o tivéramos, entre todos e todas teríamos feito algo máis para dar cobertura ás necesidades que se ven nos SSSS. Esperemos que con esta declaración que agora presentamos nos escoiten."

Na súa quenda, o voceiro do BNG manifesta: "Queremos tamén agradecer ao PP a síntese que fixo de todas as mocións, recollendo as indicacións dos outros grupos e deixando por escrito a nosa petición do 1% do orzamento total da Xunta para este tema. É importante mencionar esa cantidade porque con isto ponse un punto de



partida. Vese que todas as AAPP estamos no mesmo camiño pero debemos de reclamar ao goberno central, Xunta e Concello que fagan máis do que se está a facer."

Volve a intervir D^a Inés Monteagudo: "Destacamos que todos e todas estamos de acordo e pensamos que foi un grande avance a sinatura do Pacto contra a Violencia de Xénero e as 213 medidas marcadas. Existe unha dotación orzamentaria importante e a ver se entre todos e todas somos capaces de seguir loitando."

Intervén seguidamente a Sra. alcaldesa: "Grazas a todos e todas pola boa disposición para chegar a un acordo conxunto. Realizáronse durante o mes diversas actividades, entre elas é de destacar a adhesión á Campaña "En negro contra a violencia" á quevos sumades hoxe. Foi unha decisión importante porque se adheriron a ela moitos establecementos deste concello e hoxe reflíctese moi ben con todos os grupos municipais uniformados con esta camiseta."

No transcurso do debate e previo permiso da Presidencia incorporouse á sesión D^a Paula Simal.

A continuación o asunto é sometido a votación. O Pleno por unanimidade dos 13 concelleiros/as de que de derecho e feito o formar acorda dar a súa aprobación á seguinte declaración :

"Con motivo da celebración o pasado 25 de novembro do DÍA INTERNACIONAL DE ELIMINACIÓN DA VIOLENCIA CONTRA AS MULLERES o Pleno da Corporación do Concello de Muros aproba a seguinte declaración institucional:

A violencia de xénero constitúe unha grave lacra social, que atenta contra os dereitos humanos e contra odereito fundamental á igualdade e non discriminación por razón de sexo.

O número de vítimas directas e indirectas desta violencia resultan insoportable, e como Corporación Municipal, queremos manifestar:

-O rexeitamento más contundente a toda forma de violencia sobre a muller.

-A nosa disposición a apoiar as mobilizacións contra a violencia sobre as mulleres, e a por en marcha programas de detección e eliminación de calquera actitude machista nas instalación municipais. Tamén a traballar coas entidades educativas e asociativas do concello na posta en marcha de medidas de sensibilización e prevención deste tipo de violencia.

-Instar á Xunta de Galicia a seguir avanzando na procura de todas as garantías necesarias para que a atención ás vítimas de violencia de xénero teña un carácter integral, personalizado e áxil, e se lles garanta o respecto a súa intimidade,



privacidade e dignidade, mellorando os medios e recursos postos a súa disposición, e avanzar na concreción do pacto galego contra a violencia machista acordado por unanimidade polo pleno do Parlamento Galego o 25/01/2017, así como destinar o 1% dos orzamentos do 2018 á prevención e loita contra todas as formas de violencia contra as mulleres.

-Instar ao Goberno do Estado a seguir traballando e avanzar na aplicación das 213 medidas aprobadas no Pacto de estado contra a violencia de xénero, cumpridamente no que se refire á devolución das competencias ás entidades locais no exercicio das políticas de igualdade e contra a violencia de xénero e que de forma urxente se faga chegar ao Concello de Muros a dotación orzamentaria concretada na data de aprobación da Lei contra a violencia de xénero.

-Por en marcha a Mesa local de coordinación interinstitucional contra a violencia de xénero, da que se aprobou a súa constitución no Pleno celebrado o 27/04/2017.

-Acordamos tamén dar traslado deste acordo ao presidente do Goberno, ao presidente da Xunta de Galicia, ao presidente da FEMP e aos ministros de Sanidade e Facenda.

Muros, 30 de novembro de 2017.”

DA COMISIÓN DE URBANISMO, OBRAS, SERVIZOS E MEDIO AMBIENTE

3. PROPOSTA SOBRE A DEFENSA DA INDUSTRIA E DO EMPREGO NA COMARCA.

A Sra. alcaldesa expón: “Chegou unha proposta de CCOO sobre o peche da conserveira Calvo e cremos que é a nosa obriga velar polo traballo nesta comarca e vendo que non interfire no traballo do Comité de Empresa, traémola a Pleno.”

Procede a súa lectura.

Iníciase o debate coa intervención da voceira do PP, aSra. Monteagudo: “Como xa dixen na Comisión informativa, o grupo de gobernou asume unha proposta dun sindicato. Cando vostede trouxo unha moción sobre os circos con animais, comentámoslle as dúbdas acerca de que puidese traer a Pleno unha moción de alguén alleo ao Concello e vostede fíxoo igual.

A capacidade de actuación da Xunta e do goberno no asunto de Calvo está moi limitada. O peche de Calvo é unha moi mala noticia para todos e todas e se hai unha posibilidade de que continúe a actividade, estamos polo labor. O grupo popular presentou unha moción neste senso que foi aprobada por unanimidade na Deputación.

No Pleno de outubro preguntámoslle cando ía convocar a Xunta de Portavoces para este tema e non nos contestou nin a convocou. Dinos que os/as traballadores/as



están de acordo con isto. Creo que xa se aprobou aquí unha moción do BNG sobre este asunto e que hai un preacordo coa empresa e dada a delicada situación dos/as traballadores/as e as diferentes posicións dos sindicatos, non nos parece oportuno que esta Corporación adopte como súa unha proposta dun sindicato.

Convoque a Xunta de Portavoces á que poderán asistir os membros do Comité de Empresa.

Mañá teñen unha nova reunión coa empresa. Retire este punto e durante a próxima semana convoque a todos a unha xuntanza e tratemos de apoiar aos/ás traballadores/as no que poidamos.”

A continuación intervén a voceira do PSOE, aSra. González: “Xa dixemos na Comisión informativa que candoa Sra. Alcaldesa propuxo esta moción sobre a Proposta de CCOO facío como proposta do grupo de goberno. Ninguén está contento co que está a pasar con Calvo. É unha industria na que a maior parte do persoal son mulleres. Se Calvo pecha é un gran problema aquí . A solución de que peche ou non, non está nas nosas mans. O que si está é non interferir nas negociacións que se están a levar a cabo. Se soubésemos que a decisión que aquí se tomase seía a servir para algo favorable na reunión de mañafariámolo.

Estiven en contacto co Comité de Empresa e hai algúun punto moi complicado que están negociendo e que pensaba que esta fin de semana podería chegarse a un acordo definitivo. UXT asinou un preacordo e estaba polo labor de solucionar a maior parte dos problemas, porque hai moitos problemas: traballadores fixos, peonadas, descontinuos... e estase a buscar unha fórmula entre o Comité de Empresa, sindicatos e grupo Calvo, para que se prexudique ao menor número posible de traballadores/as.

CCOO fala de peche e realmente non é así o que non quere decir que non sexa preocupante e grave xa que de pasar a estar traballando na porta de casa a ter que desprazarse é diferente. Hai persoas que xa non teñen 20 anos e as dúas horas para ir e vir suponlle un esforzo e un empeoramento das súas condicións de traballo.

Puxémonos en contacto co Comité de Empresa e recomendáronos que non interfíresenos na negociación porque queren gardar cautela e non contaminar. Como non sabemos se esta proposta de CCOO vai a interferir ou non e polo que pide o Comité de Empresa, propoñemos deixar sobre a mesa este punto e convocar aos representantes do Comité de Empresa e grupo Calvo para despois de que os/as traballadores/as vexan que pasou o momento no que poderíamos interferir para que non conseguiran o que están intentando lograr.”

Seguidamente é a quenda do representante do BNG, o Sr. García: “Asumimos o texto presentado por CCOO. Mentres haxa unha mínima porta aberta que poida impedir o peche, estaremos apoiándoa. O Comité de Empresa está negociendo as condicións do hipotético traslado do persoal. É un comité fraccionado e moito persoal vai quedar prexudicado e sobre todo porque a maior parte dos/as traballadores/as non están sendo representados nesas negociacións, pois non están nin CCOO nin a CIG no mesmo punto de entendemento coa empresa que UXT.

A política do medo de que dende un Concello non se poida facer unha declaración institucional porque os señores de Calvo pensen que se lles vai a prexudicar paréceme doutra época. É lexítimo o que estamos, a facer pedindo que a Xunta



interceda ante unha empresa que é unha das máis subvencionadas pola Xunta. A Xunta pode facer máis con estas empresas que se enriquecen aquí e logo deslocalízanse a outros países. Este é un problema de toda a comarca e non só de Muros. É un problema que vai moito máis alá de que o Comité de Empresa representado pola UXT considere que debemos de calar a boca para non prexudicara negociación. Se non hai acordo, no ERE terá que habela. Entendemos que debe pedirse á Xunta que interceda coa empresa coa que ten bastante boa relación, consideramos que pode facer máis do que está a facer."

Volve a intervir Dª Inés Monteagudo: "Xa fixemos unha declaración institucional e agora pídesenos que adoptemos a postura dun sindicato. Asinouse un preacordo, que é un documento base para seguir traballando e non nos parece ben que a corporación se postule na postura dun sindicato que ademais non é maioritario no comité. Neste último están todos, asinou unha parte do comité pero nel están todos. Estamos asumindo a posición dun sindicato e por isto cremos que o mellor é deixar sobre a mesa este punto e se a próxima semana nos piden o persoal que os apoiamos en reivindicacións concretas, farémolos. O persoal no seu conxunto, son unha parte deles."

Na súa nova quenda, a Sra. González expón: "Non estamos cun sindicato senón a defender aos/ás traballadores/as na medida que poidamos e que non é moita. Está todo operario representado no Comité de Empresa aínda que non todos asinaron o preacordo e se é así, nos non podemos posicionarnos a favor de ninguén. A nosa posición debe ser clara a favor dos dereitos dos/as traballadores/as. Non é un problema de que CCOO presente unha moción aquí e que con isto non se faga nada. Non é política do medo senón a de non intervir porque é o mellor nestes momentos. Se desde a representación do persoal piden que de momento non se faga nada e que lles deixemos negociar, hai que facerlles caso. Se fose doutro modo, o Comité de empresa traería algopara o Pleno. Se non o fixeron será por algo. A Xunta si que podería facer outras cosas, non estamos de acordo en como leva a Xunta a negociación pero isto non quere dicir que dende o Concello teñamos capacidade para presionar ou marcar pautas á Xunta de como ten que facer a negociación. Trátase de beneficiar e deberíamnos de estar de acordo en escoitar a todos e todas as traballadoras e non a parte deles. Neste momento non debemos de tomar posición por ningún lado senón defender os intereses do persoal. Absterémonos por non interferir."

O representante do BNG expón: "Pouco más que dicir fronte á política de calar, de non tomar posición. Cremos que o Pleno está para tomar posición e dicir o que opina e defender aos/ás traballadores/as no seu conxunto e cremos que estar de parte do persoal, non interfire para nada na negociación. Cremos que o que se pide xa se tiña que ter feito, que a Xunta fixese algo máis".

Intervén seguidamente a Sra. alcaldesa: "A proposta fala de *Instar...* Haberá algúun/algunha traballador/a que non estea de acordo en que dende a Xunta se faga algo para manter Calvo aberto? Eu creo que non.

En ningunha parte do texto se fai referencia á suspensión da negociación, á súa modificación, a en que termos se debería de facer, nin se menciona outro sindicato. É unha proposta compatible coas negociacións en marcha. É intentar manter aberta a empresa que é o que o Comité de Empresa intenta e que se non é así polo menos que as condicións do persoal sexan as mellores.



Creo que é unha obriga da Corporación intentar que se manteñan traballadores aquí. Concordo co PSOE e PP en que dende o Concello podemos facer pouco pero si que podemos facer isto.

Esa parte pido isto e cremos que non prexudica nin interfire. Se tivéramos sospeta do contrario non a traeríamos aquí."

Sometido o asunto a votación, o Pleno cos votos a favor de CxG (3) e BNG (2) e a abstención do grupo municipal do PP (4) e PSOE (4), acorda aprobar a seguinte proposta:

"PROPOSTA DE CCOO SOBRE A DEFENSA DA INDUSTRIA E DO EMPREGO NA COMARCA

A proposta de CCOO sobre a intención do Grupo Calvo de pechar a súa fábrica en Esteiro supón unha gravísima ameaza sobre o emprego e a economía de toda a comarca que vai máis alá do problema laboral.

Porque non é un traslado de persoal, é un peche da empresa con graves consecuencias sobre as empregadas directas de Conservas Esteiro pero tamén para o emprego indirecto que xera no entorno.

En Calvo Esteiro traballan 100 persoas de forma directa, pero hai outras 120 que traballan de forma temporal e, ademais, a empresa xera outros 80 empregos en actividades externas. Son 300 postos de traballo ameazados, case todos eles ocupados por mulleres nunha comarca con pouca industria e, polo tanto, poucas oportunidades de emprego.

Calvo Esteiro é a principal fábrica na zona e o seu peche repercutiría moi negativamente na economía dun territorio xa deprimido industrialmente.

Non hai ningunha razón para pechar a empresa, que pertence ao Grupo Calvo, unha das maiores empresas conserveiras de Europa, que factura case 600 millóns de euros e gañou o ano pasado máis de 51 millóns de euros.

Calvo Esteiro necesita un investimento de pouco máis de 1 millón de euros para modernizarse: os beneficios de cada ano do grupo multiplican por 50 veces a inversión necesaria para garantir o seu futuro.

A Xunta de Galicia non pode ser cómplice desta decisión. En primeiro lugar porque a súa obriga é defender o emprego e a actividade económica nunha zona desindustrializada. En segundo lugar, porque o Grupo Calvo é receptor de axudas multimillonarias outorgadas pola Xunta.



Noia, Serra de Outes, Muros e Carnota non poden permitir o peche da única empresa de todo este territorio que ten máis de 100 empregos, a empresa industrial más significativa que leva 30 anos xerando emprego e riqueza.

Defendemos o emprego, a industria, a empresa, a economía da zona; defendemos a continuidade de Conservas Esteiro.

Por todo isto propoñemos o seguinte acordo:

Instar á Xunta de Galicia a que actúe directamente sobre o Grupo Calvo para que faga os investimentos necesarios para mantela aberta.”

B) PARTE DE CONTROL E SEGUIMENTO DA XESTIÓN DOS ÓRGANOS DE GOBIERNO

4. DAR CONTA PARA COÑECEMENTO DAS RESOLUCIÓNS DA ALCALDÍA: DA Nº 704/2017 DE DATA 02/10/2017 Á 782/2017 DE DATA 31/10/2017(INCLUÍDAS). E DAS XUNTAS DE GOBIERNO LOCAL Nº.27 DE 13/10/2017, 28 DE 20/10/2017 E 29 DE 10/11/2017

O Pleno queda enterado das Resoluciós de Alcaldía obxecto do punto da Orde do Día.

5. DACIÓN DE CONTA DO PERÍODO MEDIO DE PAGO GLOBAL A PROVEDORES, PAGOS REALIZADOS E EXECUCIÓNS NO TERCEIRO TRIMESTRE DE 2017, ASÍ COMO O PLAN PRESUPUESTARIO A MEDIO PRAZO


O Pleno queda enterado do período medio de pago global a provedores, pagos realizados e execucións no terceiro trimestre de 2017, así como do plan presupuestario a medio prazo.

6.- MOCIÓN

Non se producen.

7.- ROGOS E PREGUNTAS

A voceira do grupo municipal, a Sra. Monteagudo, formula os seguintes rogos e preguntas:



Cod. Validación: D9W5CN3HQADCHN4XCM8AC4JN | Correción: http://muros.sedelectronica.gal/ Documento asinado electrónicamente desde a plataforma xestiona.esPúblico | Página 8 a 16

-Rogo: temos un rogo que nos trasladan varios estudiantes universitarios que veñen pasar a fin de semana a casa, de se a biblioteca podería abrir unhas horas na fin de semana e nas vacacións de Nadal para poder utilizala.

-No Pleno do mes de outubro presentamos unha moción, que foi aprobada, para a ampliar a parada do bus na Avda. de Castelao, diante do quiosco de Roque. Queremos saber cando se vai a proceder a facer esa ampliación.

-Presentamos unha moción o 13 de outubro na que pediamos que se modificara a ordenanza do imposto de bens inmobles para aplicar unha serie de bonificacións. Dixerón que non a tramitaban porque ían presentar vostedes outra moito mellor e cunha baixada do IBI ao 0,4%. Que a ían traer ao Pleno de novembro. E claro, chega o Pleno de novembro, e nin traen a moción que presentamos nós, nin traen proposta algunha do equipo de goberno. O certo é que a estas alturas o sorprendente sería que trouxeran algunha proposta súa, así que lle rogamos que tramiten a moción que presentamos para o próximo Pleno.

-En relación co proxecto sinalización turística intelixente do Concello de Muros, hai cuestiós que nos chaman a atención, a ver se nolas pode aclarar: no prego, punto 6, di que "por motivos de xustificación da subvención que financia este contrato, o adxudicatario deberá comprometerse a tela entregada e instalada antes do 15/10/2017", pero o contrato está asinado o 17/10, polo que parece imposible que a obra estivera entregada e instalada o día 15/10. Que pasou? Foron quen de xustificar a subvención?

-No polígono industrial teñen un problema co servizo de correos, xa que ao non estar as rúas rotuladas, póñenlle problemas para facer o reparto de correspondencia. O polígono aparece dividido en *manzanas* e en parcelas, polo que a identificación non debería ter maior problema. Ten constancia deste asunto? Fixeron algunha xestión para tratar de darlle solución?

-Na Resolución n. 2017/0749 anula unha resolución anterior de concesión das subvencións ás entidades deportivas e deportistas, indicando que deben proceder a entrega de documentación xustificativa e certificacións de estar ao corrente. Nas bases das axudas prevese que as entidades autoricen ao concello a solicitar esas certificacións. Non sería moito más efectivo que entregaran esa autorización e o concello, a través do persoal autorizado, pida esas certificacións? Estase retrasando moitísimo o pago das axudas, e prexudicando ás entidades deportivas. Por que non se esgotou o presuposto desta partida? A cantidade adxudicada é inferior á prevista.

-Cal foi o resultado da reunión coa Inspección de Traballo do día 20 de novembro?



-O venres 17 de novembro enviouños un correo ás 6.30 da tarde convocádonos a unha xunta de portavoces, a celebrar o luns ás 6 da tarde para falar do POS+. Nesa xunta anunciounos que o Concello non ía poder fazer a obra da praza do Cristo de Tal nin a dos vestiarios novos do Campo de Fútbol Eleuterio Balayo con cargo ao plan único 2017, e que a única opción que quedaba era metelos neste plan único 2018 con cargo as achegas. Tampouco a parte que se ía destinar a pagar préstamos bancarios se vai executar. Isto supón que nos tres anos de xestión do seu goberno o Concello non accede a aproximadamente 700.000 euros de cartos que a Deputación pon a súa disposición, é un préstamo, efectivamente, un préstamo sen intereses, con ata catro anos de carencia, e a devolver en 10 anos. Unhas condicións que a calquera lle resultarían vantaxosas.

Desde cando sabe vostede que non se poden pedir eses cartos? Dende o mes de xullo probablemente, que é cando a Deputación lles enviou unha circular, por que esperou ata novembro para dicilo? Sabe que teñen que renunciar á esas obras para volver a pedilas?

Por que o Concello de Muros non pode acceder a este préstamo? Vostede di que é porque o seu goberno non quere endebedar máis ao concello, Sra. Alfonso, e presume de boa xestión cando o que quere decir é que paga as cotas mensuais dos préstamos que xa ten o concello.

Pero esa non é a razón, a razón é que o concello non ten aforro neto positivo e/ou o seu nivel de endebedamento excede do 75% dos ingresos correntes. E non pode telo, porque están vostedes traballando cun orzamento do ano 2015, que non valía para o 2016 e tampouco vale para o 2017, e seguramente aínda valerá menos no 2018.

Pero vostede siga dicindo que non fai falta facer un orzamento, e que o seu goberno está moi satisfeito por pagarllles puntualmente aos bancos mentres a vila vai decaendo por falta de investimentos e xestión.

Falounos nesa xunta de portavoces de que esas dúas obras se pedirían no plan único deste ano, que polo que se ve vai quedar reducido dos 775.000 euros que di a Deputación que nos dá, aos cerca de 540.000 que realmente se poden pedir. Deses cartos 140.000 irán para esas dúas obras, a praza do cristo e os vestiarios. Quedan 400.000 mil, dos que ten que destinar unha parte a pago a provedores, que aínda non saben canto é, e o resto sería para outros investimentos. Propuxo destinar 300.000 mil a poñer a cuberta do Cine París, formulando un proxecto de difícil encaixe nas bases da convocatoria. E quedarían menos de 100.000 euros para outros investimentos. Todos apostamos por facer as obras do Chalón, necesarias para evitar os asolagamentos dos últimos anos nos negocios e vivendas do Curro. E



tamén por amañar os vestiarios que quedan no campo de fútbol e a cantina de Miraflores, amañar a cuberta do pavillón de Esteiro, os camiños que quedaron sen facer dos acordados o ano pasado, e o saneamento de San Ramón e Boavista, ademais de atender ás necesidade do GES, Policía Local e Servizos Sociais. Parece bastante complicado encaixar todas esas necesidades nas fórmulas que fai o equipo de goberno. Quedou de convocarnos a outra xunta de portavozes, para cando, Sra. Alfonso?

-Estamos sufrindo un problema de seca que se vai ver agravado probablemente nos próximos anos, a xestión da auga é pois un tema central e fundamental para todos. Pero ao goberno de compromiso parece que este asunto non lle interesa, pleno tras pleno preguntamos por se hai avances neste tema, se se volveu a reunir co Concello de Carnota, se fixeron os pregos para a nova contratación, se fixeron algunha xestión sobre o canon. Tanto o noso grupo como o socialista preguntamos insistentemente que é o que vostede, como presidenta da Mancomunidade da Auga e como alcaldesa de Muros, fai sobre a concesión e o cobro do canon. E vostede, que presumen de transparente, non contestan nunca, non din que é o que pasa, se se lle reclamou a Espina o canon, se se están a facer as contas para o cobro dos anos anteriores, como se está prestando actualmente o servizo, como se vai a prestar no futuro, etc etc. Sra. Alfonso, hai temas fundamentais na xestión municipal, e este é un deles. Considere seriamente dar explicacións aos grupos e tamén a cidadanía, porque isto pode ser outro problema como o do lixo, que nos meta nun fregado do que a ver como saímos.

A Sra.alcaldesa contesta:

"O do bus farase cando sexa posible, se redacte o proxecto e se fagan as actuacións precisas, fan falta permisos.

Respecto á moción do IBI, díolle que a traeríamos a este Pleno pero non lle deu tempo á interventora de miralo. A idea é facer máis modificacións que as que vostedes propoñen.

En canto á sinalización turística, ao final non se pudo xustificar a tempo a subvención pois a empresa non realizou a actuación a tempo.

En canto ao servizo de correos no polígono, xa sabemos que hai problemas e falamos co encargado da oficina a ver se se podía arranxar cunha pequena sinalización nas rúas.

Respecto á subvención a entidades deportivas e culturais, desde Intervención esixen pedir uns certificados e ao final elaborouse un modelo para que as entidades nos autoricen a obtelos.

A Inspección de Traballo leváronse uns cálculos feitos que non contaban con informe favorable de Secretaría nin de Intervención. Quedamos en volver, pedimos



informe á Deputación Provincial e enviamos un escrito á inspección e convocamos a Mesa de Negociación.

Respecto ao POS, non podemos acceder ao PAI porque temos remanente negativo e hai un plan de axuste. Díxose que era porque non tiñamos o orzamento aprobado pero áinda que se o tiveramos non poderíamos acceder ao PAI e porque a Deputación, a raíz dunha sentencia, cambio o seu criterio. Hai un informe de Intervención no que se aclara isto. A porcentaxe de endebedamento é menor do 75%. O problema é ter plan de axuste e soubémolo cando xa tiñamos solicitado o PAI.

Afortunadamente neste concello non hai problemas de seca.

En canto ao de Espina e Delfín, seguimos a traballar e en canto o goberno de España nos facilite H.N. poderemos facer isto más fácil."

Seguidamente intervén a voceira do PSOE, a Sra. González: " O primeiro que quero saber é porque se perdeu a subvención das sinais e de quen foi a culpa.

Queremos saber que criterio seguiu para non pedir o primeiro ano o PAI de 240000€. Escápaselle o diñeiro por falta de dedicación e de traballo. Non é verdade o que está dicindo, traíanos esa sentencia. Non nos avisou en xuño cando a Deputación avisou do asunto do PAI. O Concello non se pode endebedar porque se saltou os límites e non hai previsión de orzamento.

O problema de Espina e Delfín que vostede di que é problema do PP, é porque vostede non notificou a Espina e Delfín , que acababan o contrato con suficiente antelación e Espina e Delfín non está pagando canon e vostede non fai nada para reclamarlo. Débennos case un millón de euros e esta señora non fai nada. Deixa pasar mes tras mes sen reclamar nada. Cando lle diga a Espina e Delfín que vai a sacar a concurso a concesión e non saia beneficiado, reclamará ao Concello danos e prexuízos porque non se lles deupreaviso para rescindir o contrato.

En canto á Inspección de Traballo, vostede levou os informes de Secretaría e Intervención pero lle dixo á inspección se ía aprobar pronto os orzamentos? A inspección púxolle de condición que aprobase o orzamento xa que o que esixen ten que estar baseado nunha partida e vostede non a ten e van a poñer multas coercitivas ao Concello.

Dixerón que este Concello está saneado economicamente e ten un PEF. O que fai vostede é devolver facturas sen pagar. Esas facturas seguen na contabilidade do Concello? Vostede cando estaba na oposición votou a favor do Plan de aforro e agora non o está cumplindo.

Queremos preguntar sobre o decreto 731/2017 e o pago que se fixo a "Somos a túa axuda". Está contratando xente de Muros? Debemos de defender o emprego deste Concello.

En canto ao Decreto 736/2017, había contratada unha persoa que impartía zumba e que a deixou de dar porque non cobraba e o Sr. concelleiro, que vive na piscina, díxolle que non lle ía pagar. A piscina de Muros, que funcionaba moi ben, non ten zumba desde fai meses e creo que é porque non pagan a marca. É así? Por que non hai mancornas na piscina? Faltan monitores, por que non se substitúen? Por que



non se fai caso ás reclamacións da xente? Por que non se contestan? Por que hai menos monitores que os que marca a lei? Este mes non houbo clase de seco. Vai a devolverse o diñeiro que a xente pagou por mes?

Cando se van facer os orzamentos?"

A Sra. alcaldesa contesta: "A subvención perdeuse porque a empresa que se comprometeu a facer a obra non a deu rematada.

Non se pediu o PAI o primeiro ano porque o PSOE e o PP nos obrigaban a pedilo para inversión e non quería endebedar o Concello máis. Vostedes dicían que non e agora a Deputación dános a razón: aquilo incrementaba a débeda do Concello.

Di que non pagamos facturas e non se me ocorre unha forma suave de dicirillo: despois de traer a Pleno cinco veces as facturas de provedores de Muros e o PP e PSOE impedir cos seus votos, en contra incluso dos recursos de reposición o pago, vostede pregunta isto agora? Pagamos a todos salvo aos que vostedes impidiron pagar. Non había razón para non pagar senón todo o contrario.

Pagamos a Espina e Delfín o que estamos obrigados a pagar, como a calquera provedor.

Di vostede que a Inspección de Traballo nos esixiu elaborar un orzamento. Vostede di o que quere. A inspección requiriunos elaborar unha RPT e recoñecer trienios.

Temos unha reunión o martes coa Mesa de Negociación e estamos traballando na RPT. Non había nada feito sobre trienios a pesar dos sete anos nos que vostede foi alcaldesa. Hai acordos coa Mesa de Negociación e estase a comezar coa RPT. A ver se cando chegue a Pleno a aproban.

Despois de tres advertencias e chamadas á orde á voceira do PSOE, a Sra. alcaldesa pídelle que abandone o salón de sesións, o que fai acompañada do resto do seu grupo.

Continúa a Sra. alcaldesa: "As facturas devólvense por indicación de Intervención.

En canto a *Somos a túa axuda*, é unha empresa que traballa para o Concello como medida extraordinaria para dar resposta ao requerimento da inspección de SSSS. Non sei de onde é todo o persoal pero hai xente de Muros traballando nela. Contratamos a empresa porque legalmente non podemos contratar persoal laboral".

Á petición da alcaldesa intervén D. José Antonio Uhía: "Dende Secretaría e Intervención din que non podemos obrigar a ninguéna pagar individualmente unha cota pero tampouco podemos pagar máis salario. Entendemos que ten que pagala



pola súa titulación. É unha cota persoal e tena que pagar a persoa que imparte a actividade."

Volve a intervir a alcaldesa: "Intervención dinos que hai unha marca rexistrada e que para que unha persoa poida dar a actividade ten que pagar a cota e así se viña facendo dende que empezou a actividade pero nun momento determinado dixo que non a asumía máis. Non podemos incrementar o salario para eses 30€ de cota e estamos buscando a fórmula para poder facelo, pero é algo persoal."

En canto aos monitores, hai un de baixa e hai un requerimento de sanidade que exixe un monitor e un socorrista. Se trasladamos un monitor a socorrista, pérdense as clases de seca se non hai suplente. Hai que facer un novo procedemento selectivo e xa está en marcha."

Seguidamente intervén o voceiro do BNG formulando as seguintes rogos e preguntas:

- Roga que se dea traslado mañá mesmo do acordado no punto terceiro.
- Roga que se acaten os acordos plenarios e se poña en marcha a mesa sectorial para a dinamización do casco urbano.

ROGOS:

- Unha vez máis, rogamos que se lle dea unha volta ao Plan de Mantemento Xeral, se execute de maneira efectiva e se detecten as deficiencias e debilidades que actualmente existen no traballo de mantemento, para que o traballo da brigada, e das empresas que se contraten para cubrir ditas deficiencias, atendan de feito eficiente tódolos espazos públicos do Concello.
- Rogamos novamente que se dote de internet a casa de Sorribos.
- Rogamos que se solucione de maneira efectiva os problemas co estacionamento de vehículos na saída do cruce de Bornalle en Abelleira.



- No pleno pasado falamos que o 20 deste mes tiña o goberno municipal unha reunión con Inspección de Traballo, e que levarían un proxecto de RPT para evitar as posibles sancións. Levouse unha RPT a dita reunión? Si se levou, dita RPT foi negociada cos traballadores?
- Se finalmente a obra do Furón non vai ir nos plans da deputación, pode comprometerse a amañar, canda menos, o fochanco que hai xusto na beirarrúa a altura do parque?
- Sábese xa cando se vai a executar a colocación do repetidor de TV para Torea e Abelleira? Temos entendido que áinda non se presentou a documentación requerida para cobrar a subvención de 25.000 € da Deputación da Coruña para esta obra.
- No mes de maio o Concello de Muros concedeu un permiso para pasar uns cables de corrente eléctrica ata unha nave en Abelleira. Na zona de Ventín quedou un rego por onde pasaron o cableado sen rematar, polo que agora hai dúas casas que se atopan "ailladas por un rego de esquinas cortantes", perigosas para vehículos, peóns e nenos que xogan na zona. Queremos saber se o arranxo deste desperfecto é competencia do Concello ou do usuario que o solicitou. No caso de que sexa competencia do Concello solicitamos que se arranxe o antes posible, xa que este problema data xa do mes de maio. Pola contra, se o arranxo o debe facer a empresa rogamos que o Concello faga por axilizar a execución da obra por parte do mesmo.
- Hai algúun avance nas conversas con Telefónica Movistar para dotar de internet por cable ás parroquias de Torea e Abelleira? Lembramos que hai unha moción aprobada polo pleno a respecto dos dereitos da cidadanía a acceso a internet.
- Queremos saber se o Concello tivo coñecemento do proxecto da obra do Paseo Marítimo de Esteiro, e se pudo facer alegacións a dito proxecto. Se fixeron algunha, cales foron?
- Fai dous anos que rematou a obra da estación de bombeo do muelle de Esteiro e a día de hoxe segue sen funcionar, co que os residuos rematan directamente nas augas nas que pescamos e nos bañamos. Falando coa veciñanza de Esteiro, chéganos información a respecto de que non funciona por problemas co enganche da luz. Non se pudo solucionar este problema en dous anos? Para cando ten pensado o goberno municipal que se poña en funcionamento este bombeo?
- Sábese por fin algo da reclamación feita a Costas sobre as obras na Illa da Creba?
- No cruce da estrada de Miraflores coa costa do mercado, hai unha gran mancha de aceite verquida na propia estrada desde fai xa un par de semanas. Gustarianos saber se teñen coñecemento de onde pudo sair dito aceite e se teñen pensado limpalo.



Cod. Validación: D9W5CN3HQADCN4XCM8AC4JN | Corrección: http://muros.sedelectronica.gal/

Documento asinado electrónicamente desde a plataforma xestiona.es Público | Páxina 15 a 16

A Sra. alcaldesa contesta:

"Trasladaremos as incidencias que nos indica á brigada de obras para facer as oportunas reparacións.

Respecto á TVC e Internet, non hai novidade.

A subvención de 25000€ : Ata que teñamos o terreo non se pode tramitar.

En canto ao paseo de Esteiro: non tivemos o proxecto nas nosas mans ata que empezaron as obras pero si que tivemos moito que ver en como se fai. Nalgunha visita de D. Rafael Eimil falamos do material a empregar, e noutra visita trouxo un borrador e falouse dese material intermedio entre zahorra e formigón impreso. Respecto á varanda quedamos en que non tivese ou fose pouco e así ter pouco mantemento."

Á petición da Sra. alcaldesa, intervén o Sr. Quintela: "Respecto ao bombeo do porto, tristemente leva moito tempo o trámite para poñelo a funcionar e iniciase expediente dende a entrega da obra pero aínda así non está listo."

Non habendo máis asuntos de que tratar, a Sra. alcaldesa levanta a sesión.

Do tratado nela, dou fe.

A secretaria

